

永平府志卷末

舊志序跋姓氏

明萬曆己亥河南按察司副使管永平府事東齊徐準序云古者列國必有史今之郡卽古之國一郡之志卽一國之史永平爲墨胎氏故封昌黎先世橫渠後昆咸在封內是古聖賢之邦也自遼金元先後爭據載籍泯闕明興定都於燕永爲東輔郡遂爾文獻斌斌焉予來守永欲明習一方事因取郡志披閱之宏治十四年郡張行人纂者簡而該萬曆十九年閩郭文學修者博而賅刪繁補闕可爲全書遂集郡貢士

永平府志

卷末

一

及博士弟子員爲之適豫章涂印元來登碣石謁孤竹有子長風予愛其手注會旨刻之因商摧郡志涂子曰春秋詳內而略外義精而體當若後世之書有簡有博簡者闕博者繁闕則失義繁則傷體義失鮮史學體傷乏史才此春秋之爲絕筆也予嘉其議而屬之涂子筆則直心則虛出入張郭二書參取州縣諸乘而編摩筆削之至政蹟行誼必於郡縉紳先生是徵自己亥閏四月迄秋八月而稟脫首圖者七爲卷者十爲綱者八爲目者五十有七編年以著沿革列傳以敘事實備述以廣記睹不闕而核不繁而賅

於義無失於體無傷此志既成永平之疆域勅置政
事文章風俗人物可以傳世不泯而後之稱信史必
曰永志云

萬曆己亥兵科給事中郡人白瑜序云周官詔觀事則
有志詔地事則有圖厥典重哉北平負山帶河雄稱
四塞屹然京陵左馮翌其地畸重地重而典滋重矣
郡宏治辛酉有張志什一廩存越八十四禩爲萬曆
辛卯有郭志包舉容蓋之繁挾闡今昔之奧臚陳畛
列若開玉府而璜琥璫璋爛焉畢具第連類泐洋遠
者歎浩汗而難收近者苦極目而難竟俾畿左外史

永平府志

卷末

一一

識者莫睹大全雖元圃積玉無所用之嗟嗟載籍挂
漏而不廣攬窮搜則疏疏則前守責也載籍博括而
不約取中窾則贅贅則今守責也新城徐公憂之曰
守責弗修是蘧廬守也某曷敢迺憇神揉思損舊益
新且求海內多聞者得江右隱君涂公國柱遂董其
事志爲十卷圖七綱八目五十七天時地利並大故
首象方建置政教肇自官師故政事職官次之地因
人靈文章蔚焉故選舉人物藝苑又次之至備述祥
異時務亦旁綜者所不廢也志成命不佞瑜序簡端
瑜觀其體裁合榘取舍中規允爲一方文獻焉夫徐

公奮跡鄒魯以經術經世務章縫斐然嚮風且也四
三年來海氛震鄰天災虐野苦兵苦運苦賑公膏雨
吾土酌泉不愧二清以故刑平政蘇六屬赤子依之
身爲志也凡諸廢置沿革不及行載筆而存之言爲
志也身志言志且不煩彫章縟采豈好爲更張已邪
不則龍門待嗣續而卒業眉山以雁行而成書是役
也搦札未逾歲含毫不數人驟而託於不朽者之林
則志非難志志者之難也觀者因文識意並誓志之
所以不朽者何在卽繇茲而睹大全可也

崇正壬午整飭永平等處監軍兵備道陸安姚恭序云

永平府志

卷末

三

郡有乘其昉於國史之遺乎永平偏壤屬孤竹故封
古文物衣冠地也嗣以金元竊據幾百年所迨我明
混一寰宇置關設衛爰稱雄鎮爲神京左協然障塞
一垣瀕海百里許尤東北要劇之區不佞承乏於茲
去城陷時未久睠其民生凋瘠里戶單虛賦役繁苛
風俗偷薄竊有慨焉更以羽檄交馳卽荒垣三百餘
里儘費拮据日奔走於疏烟斷草之中猶不暇給無
問勞勞郡治矣夫去故者新難圖憑虛者實逾遠天
下事不可以臆任昭昭也是故考時者證變度地者
覽勝觀風者驗治論世者定宗凡所轄之山川井邑

戶口土田人物食貨建置興除暨於城郭溝塗郵傳
甲兵民風吏治咸筆之書者所以述往古詔來茲得
失之林鑒戒係焉勿可後也宜直指韓公甫入境亟
以郡志下詢也郡故有志已已之變火爲黎災搜之
耆舊僅得原本乃知經劄劂者二而前劉公謀以繕
之爲郡侯擢去不果茲者關中李侯雅有同心博咨
廣採補其闕遺分綱析目於疆域物力屯社戎政則
加詳焉累月告成屬予爲序夫徐公熊公再序原本
亦旣該矣余復何言惟是披覽之餘繇今思昔不能
無感於斯志也嗟嗟戶口昔登今耗賦役昔簡今繁

風俗昔厚今偷人才昔隆今替郡固偏壤乎然而天
下之盛衰一隅之積也一隅之盛衰天下之漸也盛
衰之數在天而致之誠在人考之則在書也書也者
政之所自出也後之君子泣斯土讀斯志睹邊境則
思握險控御巡鑿壺櫜之事徵人用則思愛養制節
盈縮損益之宜未病而調羹無逸策庶寒谷春生涸
轍波迴有望乎不然徒曰紀故實備採風也殆匪爲
志者之志矣

國朝康熙庚戌兵部尚書兼都察院左副都御史蔡士
英序云燕京之郡有八而永平在薊之東北古云遼

西卽其地也負山帶河險固四塞昔曹公北伐烏桓
出盧龍塞經白檀登白狼望柳城殆所謂踞上游者
歟其閒分野災祥山川土田官師人物固彬彬乎三
才具備也歷宋元明皆詳於所志矣至我 清定鼎
以來兵火旣更舊籍殘落余於康熙二年過故里有
韓生者以修志請余曰永平雖處偏隅亦一代文獻
事也遂捐資助之並命大參宋君竣其事無何工未
成而宋君擢浙臬並攜板而南無何工未竟而宋君
又以坐事罷矣余曰事豈可以已哉復遣人往浙取
板來京師仍發永平冀續纂其集迄數年竟無有起

而參考者余每爲之三歎曰永平雖蕞爾郡而致險
設兵控扼西北屹然一巨鎮矣地靈起而人傑輩出
冠帶烏履之盛蓋殷殷焉豈千百年以來至今日而
可失其傳乎庚戌冬適有楊生來謁因道前修志事
余曰是予之初志也乃思永平郡丞羅君者余門人
也卽郵札致之命董理其工謂斯集之成藉以不朽
者君之力也而羅君踴躍從事不數月而厥功告成
矣夫古者千乘之國與附庸之邦皆有史官以掌記
時事第不過君卿大夫言動之一端而所謂分野災
祥山川土田官師人物之類意別有圖籍以主之今

志則無不燦列矣是故古史之失在略而今志之得在詳也後之採風者覽其遺文而一代典章名物之盛不旣犁然具備也哉余故喜而爲之序

康熙己未永平府知府三韓常文魁序云古郡國皆有風採之輶軒以徵土俗皆有乘紀之太史以傳人物班孟堅易八書爲十志志之名肇此焉劉子芸述書十品而郡書地理居二郡書詳於人地理詳於境後世兼而載之善哉邱文莊之有言也世有千載不刊之書無百年不葺之志蓋志兼史以行者也大則疆域建置賦役風謠小則災祥品秩往蹟遺徽非旁綜

永平府志

卷末

六

廣攬則湮佚靡該非慎核精搜則名實易謬江文通所謂修史之難無過於志况官師之增改戶口之繁減令甲政教之損益月易而歲不同不及時補綴曷詔後來歟北平馮翌重鎮清聖故封之地爲 神京左輔郡乘罹亂久失前守彭公求觀察宋公修輯原稟爰以壽鎔迄今又十鑽新火矣其間 鑾輿雲罕之朝 陵蒐獵 駐蹕巖疆龍驤分守之建置營房徼巡固圉皆未記於前冊猶爲急務不佞自丙辰之冬來守此土閱歲政通人和年無侵敗簿書稍暇於是咨詢紳掖改稽邑乘博不厭精約不傷刻

數月而告成帙以副文宗允託之盛心俾後賢披覽
此志景慕盛舉因之興繕備敗課士育材用繼不佞
尊聖娛神崇文毓秀之苦心陽山灤水其式憑之
康熙辛卯永平府知府東越張朝琮序云經不欲詳史
不欲簡兼之者志也夏書所載禹八年治水九州作
貢之文不滿百行夫子修春秋皆經國大訓人有微
而不名事有小而不紀以是知經之不欲詳也且夫
子序書斷自堯舜而太史公作史記則遠述軒皇歐
陽文忠尚論五代之際雖滑稽小說有所不遺以是
知史之不欲簡也然則志何以兼之昔明人作一統

志詳書風俗政事而略於文章意者其有得於此乎
永平志自萊陽宋觀察刊定以來終今五十餘年未
經修輯采風者憂之方今 主上勵精圖治省耕
省斂之使不絕於路閔蝗閔雨之 詔頻下於廷
又嘗 命館閣之臣錄子史之精華輯皇輿之表
鑑以備乙夜之覽恭惟 天子大聖一日萬幾且
猶孜孜汲汲考鏡古今以求通天下之情如此其至
也然則有天下者憂天下有官守者憂官守亦固其
所予承乏永平五年於此矣上之不能修明教化襄
贊太平之治次之不能親歷田閒問民疾苦宣

上德意下之有司一掌故之書亦復殘闕不舉庸非
官守之戾歟緣積退食餘工考前事之得失刺民間
之利弊稽於官謀於野咨諏於士大夫家凡所謂五
十年來未經補綴者悉書於策苟完一郡之章程留
俟職方之采取蓋放乎史之意而不欲簡也然不敢
誇多而鬪靡也有若孟姜哭城湘子遺影飛將軍射
石之類事涉不經無關吏治或存而弗辨或削而不
書夫亦遵乎經之旨而不欲詳也其節孝之事蹟獨
加詳者以意在勵民可垂世範也吾因之且有感矣
士生斯世狃於科舉之習爭爲無用之文一切經世

之學廢而不講一旦得志於有司見用於 皇家
寄之一官而授之以政匪執滯而不達則迂闊而難
行王荆公有言經術所以經世務予嘗推其意而廣
之曰經世之道存乎經用世之覽存乎史通世之情
存乎志志也者爲政之先資也蓋可以忽乎哉明初
有崑山學政山陰教諭二人給由至京師孝陵召問
民間事皆對不知孝陵怒曰宋儒胡瑗爲湖州教授
其訓諸生兼以時務聖賢之道所以濟世也民情不
知則所教何事由此觀之古之爲人臣者雖居清閒
冷落猶以民事爲己任否則人主亦將加之以罪史

臣書之以爲後戒而況其號爲長民者哉是志之成也學博徐香胡仁濟實相與討論之宜著其勤爲來者勸

乾隆甲午永平府知府古蔡李奉翰序云吾聞一代綱紀之所立德澤之所被以及人物之興替守令之賢否能詳史冊之所未及詳使覽者觀感興起得以因地制宜因民善俗則皆於志是賴焉是志者固輔治之書也壬辰仲秋翰欽承 巽命出守永平夙夜祇懼恐鰥厥職所喜風俗茂美人民儉樸加以年穀順成咸樂豐亨而諸生絃歌誦讀彬彬稱盛於以考

永平府志

卷末

九

山川風土稽沿革興廢卽今證昔取郡志披閱之然後歎我 朝培養之久涵濡之深固已若斯其極也舊志自康熙辛卯年郡守張公重修後距今已六十餘年矣且採取罔擇牽連失據核之古書固乖於文直事核之旨矧六十餘年事蹟宜增入者凡幾又何可令其散而無考山長菊莊王君江左績學士也請董其事取舊志釐爲八門條目各以類附凡正其訛刪其謬補其遺亡析其糾紛者說俱詳於例言甫脫稟付梓翰適仰荷 聖恩擢授松太監司未及詳加校正而幸其章程已定大局可成全賴賢太守之

克竣其事也嗚呼北平自孤竹風遯烽火蹂躪民生
不遂匪一世然也閱數千年 聖人出四海一而
北平更近 盛京我 聖祖仁皇帝鑾輿屢經
皇上兩度 駐蹕 闔澤覃敷 湛恩
汪濊 宸章用申 右文之化白叟黃童熙熙
皞皞羣陶鎔於禮樂詩書非徒安於耕鑿而已吾故
因舊志考古徵今輯爲實錄俾洺斯士者承流宣化
庶使七邑士君子知疆域奠安山川効靈賢材輩出
風俗敦龐與夫孝義節烈之不可勝紀者皆幸生

聖人重熙累洽之時於以沐浴詠歌不忘也其於

治道詎無補哉此余修志之意亦惟盡余之職也夫
乾隆甲午敬勝書院山長江甯王金英跋云甚矣志之
未易作也泛視之曰此一方之記載耳及身親其事
則徵文考獻非上下數千年縱橫二萬里於書無所
不備不能成此一書永平於古爲孤竹遺墟而金元
以前缺焉無聞明初始有志乘其後陸續修補迨嘉
靖閒有閩人郭建初者博學多聞大有纂述然筆頗
艱澀今亦未見其全編所傳者則康熙閒張太守因
宋觀察荔裳之書而續之者也考據訛陋體裁乖舛
不無遺憾焉李香林使君守是邦慨然太息思爲完

書且念由張公試今已逾週甲歲月既久故老無存於此不修將更靡所考訂適余主北平講席乃以編摩之役相屬開局于癸巳初夏迄于歲杪與諸君子旁蒐博採從容討論共成是編其間可得而稽者似已無歉然永郡地處邊僻構書無多而各縣志又皆不獲美備其爲郭公夏五者知不免也刊刻未竟李公以遷擢去余亦他往遂以校訂付之家蓮溪學博及蔡夢堂大端已具凡例中茲贅數語姑識巔末以見其難有出於才學識之外者甚矣志之未易作也又永平府知府元和顧學潮跋云余自甲申八月任灤

永平府志

卷末

十一

州己丑四月量移浙江癸巳十一月又奉命定永平相距不過五年凡山川之勝以及土俗民風尙能得其梗槩此受代時香林李使君諄諄以志書見屬也迨詢諸董事者志分八門七門已付梓惟職官一門未竣則序所云不及詳加校訂亦遜辭耳爰取已定之本卽日刊刻竣工恐覽者以冊首列名之故謂爲亦有一得也因附識於此

附

崑山顧炎武營平二州史事序云昔神廟之初邊陲無事大帥得以治兵之暇留意圖籍而福之士人郭君

造卿在戚大將軍幕府網羅天下書志略備又身自行歷薊北諸邊營壘又遣卒至塞外窮濡源視舊大甯遺址還報與書不合則再遣覆按必得實乃止作燕史數百卷蓋十年而成則大將軍已不及見又以其餘日作永平志百三十卷文雖晦澀而一方之故頗稱明悉其後七十年而炎武得遊於斯則當屠殺圈占之後人民稀少物力衰耗俗與時移不見文字禮義之教求郭君之志且不可得而其地之官長暨士大夫來言曰府志稟已具矣願爲成之嗟乎無郭君之學而又不逢其時以三千里外之人而論此邦

士林之品第又欲取成於數月之內而不問其書之可傳與否是非僕所能獨恨燕史之書不存而重違主人之請於是取二十一史通鑑諸書自燕秦以來此邦之大事迄元至正年而止纂爲六卷命曰營平二州史事以質諸其邦之士大夫世之人能讀全史者罕矣宋宣和與金結盟徒以不考營平灤三州之舊至於爭地構兵以此三州之故而亡其天下豈非後代之龜鑑哉異日有能修志者古事備矣續今可也或曰及營何也曰中國之棄營久矣夫營吾州也其事與平相出入焉焉得不紀若夫合幽并營以正

古帝王之疆域必有聖人作焉余以此書俟之

歷代修志姓氏

明宏治辛酉郡守江都吳公傑訪構舊志殘缺舛訛乃屬致仕行人張廷綱廣文吳祺率諸生修輯

萬曆辛卯副使歸善葉公夢熊聘舊門下生閩人郭造卿修府志時郡守山左陳公維城與郡司理烏城沈公之唵同爲修輯

萬曆己亥郡守新城徐公準屬豫章隱君涂國柱修輯
崇正壬午郡守三原李公在公因郡志遭己巳火災復廣採補輯志成又值兵亂夫稟未刊

永平府志

卷末

十二

國朝順治戊戌觀察副使萊陽宋公琬撰輯府志二十
三卷郡守宜興路公遴參校遼陽彭公士聖訂梓
康熙戊申郡丞壽州梁公泰來屬山海衛教授錢裕國
修輯

康熙庚戌漕運總督郡人蔡公士英屬郡丞會稽羅公
京董理刊刻

康熙己未郡守三韓常公文魁屬郡紳汪淑問管聲揚
孫如林貢士韓鼎業翟鳳翥及楊生新鼎修補

康熙庚寅郡守蕭山張公朝琮委府學訓導徐香盧龍
縣學教諭胡仁濟續修

乾隆乙未署郡守正藍旗李公奉翰續修未竣嗣郡守
元和顧公學潮聘敬勝書院山長王金英纂修永平
府教授王家榦盧龍教諭丁廷輔昌黎訓導郭鉉俊
監生蔡瓶福分修灤州知州孔傳瀛灤州知州王述
曾盧龍知縣胡澗遷安知縣靳榮藩遷安知縣熊道
楷遷安知縣喬鍾吳撫甯知縣陳鍾琛撫甯知縣張
若瀛昌黎知縣單燾樂亭知縣趙大經臨榆知縣陶
淑臨榆知縣祁標參訂灤州廩生衛理元樂亭廩生
宋文蔚盧龍廩生李美撫甯增生孫廷玉臨榆附生
沈永邁昌黎附生齊逢年校錄

永平府志姓氏

修志銜名

總修

永平府知府

游智開

湖南新化縣人
辛亥舉人

監修

知府銜永平府理事糧捕同知

唐津

滿洲鑲紅旗人
官學生

知府銜永平府山海關管糧通判丁體勤

貴州平遠州人
監生

調署盧龍縣知縣

福曜

蒙古正紅旗人
附貢生

前遷安縣知縣

韓耀光

山西洪洞縣人
癸亥進士

遷安縣知縣

勞輔芝

湖南善化縣人
監生

永平府志

姓氏

一

調署撫甯縣知縣

張上龢

浙江錢塘縣人
附廕生

前署昌黎縣知縣

王養壽

浙江蕭山縣人
己酉舉人

昌黎縣知縣

楊春華

江西南昌縣人
甲辰舉人

調署灤州知州

郭奇中

安徽合肥縣人
監生

前署樂亭縣知縣

陳以培

安徽合肥縣人
監生

樂亭縣知縣

顧肇墉

浙江仁和縣人
監生

前署臨榆縣知縣

觀祐

滿洲鑲黃旗人
廩貢生

臨榆縣知縣

趙允祐

江蘇常熟縣人
供事

永平府教授

梁鳳翰

靜海縣人
丙辰進士

永平府訓導

韓來賀

廣宗縣人
廩貢生

盧龍縣教諭

郝錫章

三河縣人
恩貢生

盧龍縣訓導

廉百齡

奉天鐵嶺人
辛卯舉人

遷安縣教諭

韓玉城

河間縣人
廩貢生

遷安縣訓導

孟昌言

豐潤縣人
壬戌舉人

撫甯縣教諭

楊呈華

武邑縣人
戊午舉人

撫甯縣訓導

魯松

豐潤縣人
甲辰舉人

昌黎縣教諭

張椿蔭

甯河縣人
乙卯舉人

昌黎縣訓導

武承厚

天津縣人
辛亥舉人

灤州學正

張彙升

靜海縣人
辛亥舉人

灤州訓導

張濟

文安縣人
附貢生

永平府志

姓氏

一一

樂亭縣教諭

單宗張

安肅縣人
恩貢生

樂亭縣訓導

紀堪誥

獻縣人
辛酉舉人

前臨榆縣教諭

侯煥

南皮縣人
辛酉舉人

臨榆縣教諭

郝浩

三河縣人
辛酉舉人

臨榆縣訓導

高漢墀

通州人
廩貢生

編纂

同知銜 國史館議敘知縣

史夢蘭

樂亭縣人
庚子舉人

參閱

原任山東鹽運使司鹽運使

傅觀海

盧龍縣人
庚戌翰林

浙江衢州府知府前掌教敬勝書院解

煜

臨榆縣人
癸亥翰林

奉天昌圖府教授前掌教敬勝書院張旭東

盧龍縣人
甲戌進士

原任江蘇儀徵縣知縣現掌教敬勝書院姚書楷

樂亭縣人
庚子舉人

分修

歲貢生候選訓導

張山

樂亭縣人

廩貢生候選府經歷

趙建邦

樂亭縣人

增貢生候選通判

王立柱

撫甯縣人

分校

舉人候選訓導

吳寶善

灤州人

選拔副貢生候選訓導

何凌雲

盧龍縣人

廩膳生

史璿

灤州人

永平府志

姓氏

三

附學生

陰維霈

樂亭縣人

採訪

盧龍縣

舉人朱昌時

舉人劉青山

舉人翟省三

舉人翟奉三

副貢薛繼武

增貢孫鏞

廩生竇桂芳

廩生汪欒

廩生王淋溥

廩生田長庚

附貢薛繼曾

附生龔倬

附生閔廷玘

附生尤元勳

附生韓景崙

附生邢德昭

附生劉德滋

附生陳清策

附生孫玉麟

附生陳錫庚

附生胡永清

附生徐用中 附生劉宗漢 附生闕殿英

附生李玉璋 附生張蓋臣 附生闕龍章

遷安縣

乙丑科進士湖北候補知縣 陳寶樹

舉人王化宣 拔貢于凌雲 貢生裴三益

貢生張書升 貢生鄧光亨 貢生白明楷

貢生李棧林 廩生金培元 廩生王允中

廩生王廷燮 廩生張寶天 廩生任鳳池

廩生謀國泰 廩生周重 廩生高雲龍

廩生李馥庭 增生孟梓林 增生劉昌明

永平府志

姓氏

四

附生沈粹儒 附生李鍾嶧 附生王以欽

附生陳德湛 附生陳寶楨 附生鄭復恩

附生李冠羣 附生孟汝泰 附生孟煥文

附生楊清源 附生吳麟振 附生張瑞符

撫甯縣

壬戌科進士前大名府教授 王兆柏

貢生樊勰 貢生馬廷輔 廩貢王致澂

廩生党錫庚 廩生金寶莊 廩生王景顏

附生梁孝義 附生金光文 附生王恩波

附生任翊清 附生張祖培 附生張恩培

附生王守理 附生張鳳儀 附生任賓亨
附生張近光 附生殷作霖 附生王 房
附生楊元璞 附生賁啟源 附生李恩培
附生韓遇春

昌黎縣

舉人王杏村 舉人董光燿 貢生陳德馨
貢生許善述 廩生馬善明 廩生張延祿
廩生王 昱 廩生孫國鈞 廩生邵寶瑞
增生張沛然 附生張桂森 附生趙廷柱
附生秦際清 附生張椿壽 附生馬純炘

永平府志

姓氏

五

附生齊樹寶 附生張樹屏 附生孫其塘
附生李潤堂 附生孫作炳 附生陳鵬萬
附生李桂林 附生李鴻漸 附生龍雲會
附生朱廷元 附生李寶珍 附生閆龍躍

灤州

壬子科進士前任湖南善化縣知縣李昌瑞
漢軍旗人
舉人吳遇隆 舉人李 威 舉人王文瑞
拔貢吳文鏡 貢生李蔭樾 貢生馮淑勝
增貢傅傳習 廩生高鴻霄 廩生梁于涓
廩生萬富春 廩生楊繼先 廩生李春溪

廩生盧彤恩 廩生李人龍 廩生葛朝君

廩生張蔭藩 廩生宣培祐 增生李一璋

附生李暢春 附生劉炳然 附生王雨村

附生劉炳宸 附生王燦 附生羅立業

附生王子復 附生王子芳 附生鄭鑫

附生彭汝霖 附生王德榮 附生田玉璋

附生李潤芳 附生王步三 附生宋炳南

附生田際春 附生張夢洲 附生王曾祉

附生王治岐 附生王贊 附生屈桂山

附生張焜 附生趙瑞

永平府志

姓氏

六

樂亭縣

乙丑科進士原任奉天府教授 于宗翰

歲貢生孝廉方正 石奉元

舉人張鳳翔 舉人宋廷蔭 舉人陳聚之

舉人王紹玉 舉人朱俊 舉人孫國楨

舉人徐元瑞 拔貢楊兆琦 恩貢戴芳培

廩生安熙春 廩生葛國樑 廩生李蔭棠

廩生陳毓枬 附生孫培元 附生徐明恩

附生孫德基 附生李贊廷 附生石桂芬

附生龐遇春 附生龐遇豐 附生王九峯

附生楊勃興 附生鄭銘一 附生戴守身

附生劉東藩 附生張廷掄 附生崔元灝

附生田玉清 附生田鶴亭 附生安炳春

附生吳廷楨 附生趙象昇 附生甯淑元

附生于守元 附生李振鏞 附生李棠柱

附生王桂森 附生胡振先 附生李 籤

臨榆縣

舉人傅元博 廩生秦彥博 廩生郭之棟

廩生田慶年 貢生張吉元 廩生計關保

廩生王大椿 廩生侯大振 廩生張 岳

永平府志

姓氏

七

廩生王鍾琇 附生白自明 附生郝喬齡

附生王敬熙 附生張慶棠 附生李彭年

附生唐秉正 附生郝 瓚 附生計關蔭

附生程敏侯

分繕

附生 馬師融 廬縣人

附生 甯振先 廬縣人

附生 史亦偉 樂亭縣人

童生 李彝貴 灤州人

童生 王應泰 灤州人